



UN VISITA IN LE VILLAGE

Le narrator: *In un loco in Europa del Sud un parve auto locate se avantia per le stratas serpentante in un paisage multo verde con grande agros con cereales, con vaccas e con parve gruppos de arbores ci e la. Le auto seque le strata que se altia verso un del numerose villages pictoresc que sembla esser un parte inevitabile – felicemente! – del area. In le strata sede nostre tres amicos, Anna, Paulo e Petro. Petro es le conductor.*

Anna: Vide! Ecce le village la al summitate del collina – o forsan il es plus precise parlar de un parve monte? Nos debe ir a illo.

Petro: Con placer, senioretta. Le “taxi” es in via!

Paulo: Huh, il me place que nos non debe ambular iste distantia. Io non es secur que mi condition sanitari me lo permetterea...

Anna: Ah, non sia un coardo, Paulo. Tu ha gambas a fin que tu pote marchar, non seder in un auto, e certo le stratas del village anque inclina.

Paulo: Forsan, si, ma allora nos al minus habera arrivate in alto.

Petro: Io debe admitter que le inclination del strata es assatis grave. Ascolta como le motor del auto labora. Io spera que illo es in un condition melior que Paulo.

Anna: Io es secur que illo succede ascender. E vide como le village se aproxima tote le tempore. Io pote vider le porta del citate – bellissime e multo ancian, il pare.

Petro: Allora, benvenite intra le muros. Le stratas certo non es large. Io spera que nos non incontrara un camion con merces. Il essera impossibile pro nos passar lo.

Paulo: Ma le stratas e le edificios es belle. Io amara facer un stop ci e mangiar in un bon café.

Anna: Io anque! Petro, nos debe trovar le



via al placia central. Illo probabilmente non es grande, ma io spera que illo es tanto belle como in le guida que io trovava in le libreria – con un parve fontana ... e un café, naturalmente.

Paulo: Secundo le mappa nos debe tornar a dextera, quando nos attinge le apotheca.

Petro: Nulle problema, il ha bon indicator al locos le plus importante. Vide la le indicator al “Placia central” – exactamente ubi es le apotheca. Nos va a dextera.

Anna: Sperabilmente nos pote trovar un loco a parcar vicin al mercato, assi que nos non debe vader troppo...

Paulo: Ha ha, esque tu anque ha problemas con tu gambas?

Anna: No, no, ma io ha grande fame. Io pote mangiar un tote vacca, io crede.

Petro: Io non te crede – e io non es secur que io desira saper, si io ha ration o non...

Paulo: Attention, ecce un spatio libere de parcamento! E il ha un café la. Stop!

Petro: Si, senior. Io torna le auto immediatamente. Pote vos vider, si on debe pagar pro parcar?

Anna: Io crede que si. Il ha un automato proxime al fontana. Face me descender, allora io va ir e pagar.

Petro: Naturalmente, qual offerta. Allora io va pagar pro le lunch.

Paulo: Isto sona vermente bon – e io vermente ha fame...!

Petro: Bon, io ha parcate. Ubi es Anna?

Anna: Io es ci. Ecce le billet de parcamen-
to. Illo debe esser placiato in le fenestra
anterior, assi. E que nos alora va al café
la. Io amara seder sub le parasol. Le sol
brilla fortemente hodie.

Paulo: De accordo, assi nos pote sequer le
vita in le village, durante que nos mangia.
Forsan nos pote mesmo trovar un hotel.

Io amarea restar ci usque deman e non
deber conducir plus pro hodie.


Petro: Absolutemente de accordo. Iste vil-
lage es ideal pro un bon pausa usque de-
man. Que nos visita le café!

Anna: Superbe, io ja sape que io vole ha-
ber un salata con tomates sic e asparagos
verde e un grande vitro de vino blanc.

Petro: Io prevede un factura grande...!

GUIDA NOS AL CENTRO DEL VILLAGE

Le auto debe ir al centro del village pro visitar le mercato.
Nos comencia al flecha rubie. Guida nos al mercato (indi-
cate per un cruce rubie). Tu debe dar instrucciones al con-
ductor: *a dextera* – *a sinistra* – *avante* – *le secunde strata*
etc. Bon tour!



■ Tomates sic es tomates que ha essite ponite a siccar in le sol a fin que illos dehydra e pote esser conservate. Iste perdita de aqua es importante. 20 kilos de tomates matur fornira circa 450 grammas de tomates sic que es usate in numerose receptas in vice de tomates fresc. Le processo de siccar le tomates mantene le nutrimento. Le production de tomates sic es traditional in le sud de Italia, ubi on habeva le costume de facer le tomates siccar sur le tectos de tegulas pro poter haber tomates durante le hiberno. Hodie le production es plus commercial in tote le pais.

Photo: Wikipedia



UN VISITA IN LE VILLAGE

1 Associa cata parola con un expression o un synonymo.

- | | | | | |
|-----|--------------------------|---------------|----|--|
| 1. | <input type="checkbox"/> | coardo | A. | placiar su auto in un spatio libere del strata |
| 2. | <input type="checkbox"/> | ambular | B. | impossibile non vider o non haber |
| 3. | <input type="checkbox"/> | approximar se | C. | in ordine |
| 4. | <input type="checkbox"/> | parcar | D. | signo sur le strata que monstra le via a un loco |
| 5. | <input type="checkbox"/> | inevitabile | E. | vehiculo plus grande usate pro transportar cosas |
| 6. | <input type="checkbox"/> | guida | F. | un persona sin corage |
| 7. | <input type="checkbox"/> | indicator | G. | expectar |
| 8. | <input type="checkbox"/> | previder | H. | venir minus distante |
| 9. | <input type="checkbox"/> | camion | I. | vader |
| 10. | <input type="checkbox"/> | de accordo | J. | libro con explicationes pro touristas |

2 Lege le texto de novo, e responde, si le phrases es ver (V) o false (F).

- | | V | F |
|--|--------------------------|--------------------------|
| 1. Le stratas in le village es multo stricte. | <input type="checkbox"/> | <input type="checkbox"/> |
| 2. Il es gratuite parcar in le mercato central. | <input type="checkbox"/> | <input type="checkbox"/> |
| 3. Paulo offere pagar pro le repastos in le café. | <input type="checkbox"/> | <input type="checkbox"/> |
| 4. Le indicator al placia central es presso le libreria. | <input type="checkbox"/> | <input type="checkbox"/> |
| 5. Le motor del auto labora a causa del inclination del stratas. | <input type="checkbox"/> | <input type="checkbox"/> |

3 Responde al questiones, e revela le parola secrete.

- Que spera Petro *non* incontrar post le entrata in le village? _ _ _
- Como es le forma del stratas verso le village? _ _ _ _ _
- Con qual parte del corpore ha Paulo un problema? _ _ _ _
- Que face on pro saper, si le motor labora fortemente? _ _ _ _
- Como pote on describer multe villages in le montes? _ _ _ _ _
- Anna prefere seder in le café protegite per un? _ _ _ _

4 Scribe le questiones a iste responsas:

1. _____
On seque le indicator vicin al apotheca.

2. _____
In le fenestra anterior.

Responsas: 1. 1F 213H 4A 5B 6I
 7D 8G 9E 10C 2. 1V 2F 3F 4F
 5V 3. 1) camion 2) serpente 3)
 4) ascensor 5) pictoresc 6)
 7) gamba 8) ascholar 9) parosol
 10) Como va on al
 mercato del villoge? 2) Ubi debe
 on placiar le billet de parcamen-
 to?